


佛說緣本致經
佛說頂生王故事經
佛說文陀竭王經

籍

二百八十二
止三

49576



三經同卷三

佛說緣本致經

佛說頂生王故事經

佛說文陁竭王經

佛說緣本致經

失譯今附東晉錄

聞如是一時佛在舍衛國祇樹給孤獨園佛告諸比丘愛訥染有榮色未起為纏沒住亦有本栽非無緣致愛有耽荒本致熟在狂醉為受不明觀解是名癡本癡緣所生亦為有本何等為本眩曜色聲五盖馳惑斯生癡本矣五盖蔽冥致影沉吟亦為有本何等為本

三惡種牽斯謂爲本三惡栽習亦爲有本何等爲本不攝根識斯亦爲本不攝根識緣致有本何等爲本謂非所應念專念不已斯謂本也非應所念亦從本緣不爲無本何等爲本不從正信述於所向斯謂本也不信從謬亦有緣致非爲無本何等爲本惡師所引非法聽受斯謂爲本非正失聽亦有緣本何等爲本違背賢聖英隼之聚斯謂爲本乖錯賢隼緣致墜背亦爲有本何等爲本失於戴仰虚心集樂斯謂本矣如是比丘夫失賢衆清高之聚身口意行視聽惑滿曾心閉塞矣以非法見信向毀矣正道負背則邪見增邪增

則內攝喪內攝喪則三惡興恣三惡興恣則
五蓋盈滿五蓋盈滿則癡本足癡本足則愛受
盛以斯轉種增著倚有塵染無際矣度世明
慧昇于脫要亦爲有本何謂度世智慧解脫
之本七覺妙法謂爲致本七覺鏡照亦爲有
本何等爲本謂四意止斯則覺本四意靜上
由從有本非無有本其義焉在謂清淨淨妙
其行在三三清淨行亦爲有本非無有本本義
爲何謂守攝諸根斯則爲本守攝諸根亦爲
有本非無有本本義爲何謂鏡攬玄照斯爲
本念矣本念照往亦爲有本緣致入正何等
爲本本念造勝謂之樹信信亦有本不爲無

本何等信本謂多聞經道次第典要斯謂爲
本聞於經法亦爲有本不爲無本何等聞法
謂賢行澄清業真者也賢者淳靜亦爲有本
何等爲本謂隳行清真潔白之聚如是比丘
賢者集勝依附明哲奉事多聞能致信本信
本已立便得正念正念已樹守攝諸根根守
已建登三行淨已三清淨便四意止四意止
立便七覺意七覺意成立是即無爲解脫度
世佛說如是弟子受行

佛說緣本致經

佛說頂生王故事經

西晉沙門法炬譯

聞如是一時婆伽婆在舍衛城祇樹給孤獨園
爾時尊者阿難在閑獨處便作是念乃至
貪欲染著皆悉藏貯貪欲無厭足
爾時尊者阿難便從座起往至世尊所到已頭面作禮
便一面坐
爾時尊者阿難須臾退坐長跪叉手
白世尊言向至禪所便起是念乃至貪欲
染著無厭足
爾時世尊告阿難曰如是如是
阿難乃至貪欲染著藏貯實無厭足
所以然者阿難曩昔久遠時有六王名頂生
真法之王治化人民無有卒暴七寶具足
所謂七寶

者輪寶象寶紺馬寶珠寶寶玉女寶居士寶典
兵寶是謂七寶亦有千子勇捍猛健顏色曠
曄能却他敵猶如此世界江河大海以法治
化不加刁杖尔時阿難大王頂生便作是念
我曾聞曩昔舊人壽命極長聰明點慧便作
是語然我有是閻浮利地有力勢神足穀茂
豐熟人民繁稠王便生是念我欲使兩七寶
於我宮中尔時阿難王頂生作是念已即七
日之中兩七寶尔時頂生王復於異時便生
是念我曾聞曩昔舊人壽命極長聰明點慧
聞有弗于逮神足自在穀茂豐熟人民繁稠
我欲往彼治化尔時阿難王頂生適作是念

已於閻浮利不現出弗于逮及四部兵亦時
弗于逮衆生遙見王頂生來大衆圍遶各各
持銀鉢盛滿碎金或持金鉢盛滿碎銀往至
頂生王所到已白頂生王善來大王此是大
王弗于逮界神足自在穀茂豐熟人民繁稠
願大王於此治化我等盡是大王所領亦時
阿難王頂生於彼治化無數百千歲是時阿
難大王頂生復於異時便作是念我有閻浮
利地所欲自在神足穀茂豐熟人民繁稠我
已兩七寶於宮殿乃至七日今復有弗于逮
境界自在神足穀茂豐熟人民繁稠我曾聞
曩昔舊人聰明黠慧便作是語有瞿耶尼國

土神足自在穀茂豐熟人民繁稠王便作是
念我欲往至瞿耶尼界率化人民尔時阿難
王頂生作是念已便從弗于逮没往瞿耶尼
界及四種兵尔時瞿耶尼人民遙見王頂生
各以持銀鉢盛滿碎金或持金鉢盛滿碎銀
各送獻往至王頂生所到已白頂生王言喜
來大王此是王瞿耶尼界穀茂豐熟人民繁
稠惟願大王於此瞿耶尼界率化人民我等
盡是大王所領尔時阿難王頂生於瞿耶尼
治化人民無數百千歲無數萬歲尔時阿難
大王頂生復於異時便生是念我有閻浮利
地穀食豐熟人民繁稠雨七寶於宮殿乃至

七日亦有弗于逮界神足自在穀食豐茂人
民繁稠亦有瞿耶尼界神足自在人民繁稠
是時頂生王便作是念我曾聞曩昔舊人聰
明黠慧有作是語有鬱單曰界神足自在人
民繁稠於彼國土一切人民各無所屬所欲
自在壽命極長於彼命終盡生天上食自然
秬米著劫波育衣今時頂生王便作是念我
當於彼治化以生此念今時阿難頂生王於
瞿耶尼沒即往鬱單曰界及四種兵今時頂
生王遙見彼國地皆平正盡紺青色見彼色
已便告諸羣臣人民卿輩頗見地平正紺青
色不乎答曰如是天王卿等欲知此是劫波

育衣樹彼人盡著劫波育衣卿等亦著劫波
育衣余時大王頂生復更見地純白色見已
復告羣臣卿等見此地白不乎荅曰如是此
是自然秔米無皮無莖不加捶杖亦不揚簸
香順風百由旬逆風五十由旬極香極美彼
土人民食此秔米諸賢亦當食此秔米余時
頂生王遙見地平正皆紺青色見已告羣臣
人民言汝等見此紺青色不對曰如是天王
此是四指軟草極軟如孔雀毛各各右旋與
體無異鬱單曰人皆坐此草卿等亦當坐此
草余時大王頂生遙見城郭樓櫓阨見已
便告羣臣人民言卿等見此地平正樓櫓

隗不對曰如是天王此是人民所住舍。今時鬱單曰人遙見頂生王來各以金鉢盛銀粟銀鉢盛金粟白頂生王言善來大王此是王鬱單曰界神足自在穀茂豐熟人民熾盛願大王於鬱單曰治化人民我等亦當順從王教。今時阿難頂生王於鬱單曰治化人民無數百歲無數千歲是時王頂生復於異時便作是念我所願境界有閻浮利地神足自在至人民熾盛我於彼兩七寶在宮殿乃至七日我亦有弗于逮界神足自在至人民熾盛我亦有瞿耶尼界神足自在至人民熾盛我亦有鬱單曰界神足自在至人民熾盛我曾

聞舊人聰明黠慧作是說曰有三十三天壽命
極長顏貌端正於彼有天名釋提桓因我今
當往詣彼三十三天便受五處天壽天色天
樂天神足天增上我今欲往至三十三天介
時阿難頂生王作是念已於鬱單曰沒便往
住三十三天及四種兵詣彼善法講堂介時
釋提桓因遙見頂生王來見已便語頂生王
曰善來大王可就此坐介時阿難頂生王即
就座而坐與釋提桓因同坐此二王同坐而
無有異顏容姿貌正等無異惟眼瞬異是時
頂生王復於異時便作是念我有閻浮利地
神足自在至人民繁稠於宮殿雨七寶乃至

七日亦有弗于逮界神足自在至人民繁稠
我亦有瞿耶尸界神足自在至人民繁稠我
亦有鬱單曰界神足自在至人民繁稠及此
三十三天長壽久處此今時三十三天集善
法講堂各次第坐今時三十三天便作是念
此頂生王是閻浮利地王以法治化七寶具
足千子圍遶於四境界最尊第一不加刃杖
以法治化人民今時阿難釋提桓因與頂生
王半座使坐二人同坐光色無異顏彩容貌
皆悉同一惟眼瞬異今時阿難頂生王於彼
五欲而自娛樂無有厭足無數百千歲無數
萬歲今時阿難頂生王復於他時而生是念

我所領境界有閻浮利地神足至人民熾盛
七日之中雨七寶於宮殿上亦有弗于逮神
足至人民熾盛我亦有瞿耶尼界神足至人
民熾盛我亦有鬱單曰界神足至人民熾盛
復有此三十三天壽命延長顏色晬晬有此
善法講堂四園具足云何四難檀栴園寶采
園鹿堅園雜種園是爲四園有晝度樹拘毗
多羅樹皆悉茂盛香順風百由旬逆風五十
由旬此是三十三天所娛樂處四月之中五
欲自娛此是善法講堂所皆青瑠璃此是天
帝所坐處百臺圍遶皆七寶成一臺有七
百閣一一閣有七七玉女一一玉女有七七

使人皆是釋提桓因所領。今時阿難頂生王復生。此念我今當移釋提桓因於此。三十三天。治化諸天。今時阿難頂生王適生。是念即於釋提桓因坐處墮閻浮利及四部兵。失神足舉身皆痛。猶如人欲死時。輪寶滅象寶命。過馬寶亦終。珠寶不現。女寶命終。居士寶典。兵寶命終。今時阿難大王頂生五種親屬皆悉雲集。往詣頂生王所。白頂生王曰。大王命終後。彼有問我曹者。頂生大王臨欲崩時。有何願命。我等當何以荅彼。今時頂生王荅曰。若我命終後。有作是問者。大王頂生臨崩時。有何願命。汝等當作是荅。諸賢欲知大王頂

生典領四天下往至三十三天於五欲而無
厭足便於彼命終阿難汝欲知者尔時頂生
王者豈異人乎莫作是觀何以故尔時王者
阿難即我身是以此方便阿難當知乃至五
欲而無厭足染著於欲聚集藏貯欲無厭足
所謂足者至賢聖道然後乃足尔時世尊便
說偈言

不以錢財業

覺知欲厭足

樂少苦惱多

智者所不為

設於五欲中

意不愛樂彼

愛盡便得樂

是三佛弟子

食欲拘利歲

終便入地獄

本欲安所至

命為苦所切

諸法悉無常

生者必壞敗

生生悉歸盡

彼滅第一樂

尔時尊者阿難聞佛所說歡喜奉行

佛說頂生王故事經



佛說文隨竭王經

北涼三藏法師曇無讖譯

聞如是一時佛在舍衛國祇樹給孤獨園是
時阿難於屏處思惟世間人略厭五所思者
少至死不知厭足者多阿難曰中後到佛所
前爲佛作禮却白佛言我於屏處思惟世間
人略厭五所思者少至死不知厭足者多佛

言審如阿難言世間人略厭五所思者少至
死不知厭足者多所以者何昔者有王名号
文陀竭生從母頂出是故字爲文陀竭後作
遮迦越王東西南北皆屬之有七寶一者金
輪二者白象三者紺色馬四者明月珠五者
玉女婦六者聖輔臣七者導道主兵臣作遮
迦越王有七寶如是王仁賢修正法不煩擾
萬民有千子皆端正高才健猛力壯四天下
皆降屬之作王數千歲意中自念我有四天
下人民熾盛穀米平賤人民多富王復自念
言我有千子皆端正無比高才健猛力壯令
天爲我雨錢金銀七日七夜使耶天聞其語

隨其所願即爲雨錢金銀七日七夜王見天
雨錢金銀七日七夜大歡喜即共相娛樂數
千歲王自念言四天下皆屬我我有千子七
寶皆在我前所欲得者皆已得之天復不奪
我所願爲我雨錢金銀七日七夜文陁竭王
聞南方有閻浮提國大樂人民熾盛王意欲
往適生意便舉七寶四種兵俱飛到閻浮提
國二十八萬里其國見王即降伏屬之王宿
命作善故至便得是福在俱耶厘國數千歲
王復生意我有大國在西方名俱耶厘縱廣
三十二萬里我有七寶天爲我雨錢金銀七
日七夜我有千子皆端正無比高才健猛力

壯我有南方閻浮提國二十八萬里王聞東方有弗于逮國人民熾盛穀米平賤其國大樂王意欲往適生意便舉七寶四種兵俱飛行到其國王及人民便降伏屬之王因以正法治國如是數千歲王復生意我有閻浮提國二十八萬里我有俱耶厘國三十二萬里我有弗于逮國三十六萬里王聞北方有鬱單曰天下大樂人民熾盛王意欲往到其國其國中無貧窮無豪羸強弱無有奴婢尊卑皆同一等今我人衆官屬共食之自然稔米自然衣被服飾諸珍寶王適生意便舉七寶四種兵俱飛行入鬱單越國界遙見地正青

如翠羽色王問邊臣言汝曹寧見是地正青
如翠羽色不邊臣對言唯然見之王言是故
鬱單曰天下也王適前行復見地正白如雪
王復語邊臣言見是地正白不邊臣對言唯
然見之王言是故鬱單曰地自然生成擣稻
米汝曹皆當共食之適復前行遙見諸寶樹
百種衣樹金銀璧環瓔珞皆懸著樹王問邊
臣言汝曹見是諸寶樹不邊臣言唯然見之
王言是故百種衣樹金銀璧環瓔珞樹也汝
曹往皆當共取著之王便前到鬱單曰國人
民皆悉降伏屬之王治鬱單曰數千歲復生
意自念言我有閻浮提地有拘耶厘地有弗

于逮地有鬱單曰四十萬里王意欲上須弥
四寶山王至忉利天王釋所止處王適生意
便舉七寶百官俱飛到須弥山上便前入天
王釋宮釋遙見文陁竭王來便起迎之言數
聞功德欲相見日久仁者來大善便牽與共
坐以半之座與文陁竭王適坐左右願視天
上有玉女侍使皆以七寶金銀瑠璃水精珊
瑚琥珀車璫以爲宮殿見之心便念言我有
閻浮提俱耶尼弗于逮鬱單曰我舍中有雨
錢金銀七日七夜文陁竭王自念言使天王
釋死去我欲代其處治天上如治天下時快
耶王適生意神便去即來還在天下便被病

困劣著牀王所從羣臣官屬悉在王牀邊問
王得無有遺言王曰有敢問汝曹王有何等
遺言汝曹語之言王在時治四天下天爲雨
錢金銀七日七夜王有千子七寶皆能飛行
王上忉利天上天王釋起迎勞賚問訊以半
之座坐之尚復生意欲得天王釋處適生意
便來下在地即被病困劣自悔言人至死無
有厭足知厭足者少耳經說言不以天雨錢
金銀七日七夜故不飽也其利少耳其過大
重有智之人當思惟是事復得天王釋半座
復不足人行求道得須陀洹斯陀含阿那含
阿羅漢辟支佛至得佛道乃厭足耳佛告阿

難時文陀竭王者是我身也佛說如是阿難
歡喜為佛作禮

佛說文陀竭王經三

上

緣本致經

愛訛下音刃未眩曜上音縣下正蔽反必祭課

反苗幼隽子閏反閉字閉喪三蘇攬郎敢

頂生王故事經

藏貯下中曩昔上乃紺古暗勇悍下音曄曄

上干鬼反敵徒的點慧上八繁稠下貪益鉢

下于輒反捶之委揚下奘軟樓下曾

陴隄上反正作下現宜瞬詩同

文施竭王經

屏處

上音餅

豪羸

上音毫
力垂反

勞賚

上音去
郎代反

下訊

說
一音信
二音問
同

